

Ua Valaaulia i Tatou e Iesu Keriso ia Saunia mo Lona Afio Mai Faalua e ala i le . . .

. . . o ese mai ma Papelonia (amio leaga) (tagai i le Mataupu Faavae ma Feagaiga 133:4–5, 7, 12–14).

Sa aoao mai Peresitene Dieter F. Uchtdorf, a o avea ma uso o le Au Peresitene Sili:



O le aai anamua o Papelonia ua faatafunaina. Ua leva ona leai sona matagofie. Ae o loo ola pea mea faalelalolagi ma amioleaga a Papelonia. O lo tatou tiute la o le ola ai o ni tagata talitonu i se lalolagi lē talitonu. . . . E ao ona tatou toafimalie i taimi o faatosinaga a uo, aua nei faafiafiaina i aga a le lalolagi po o perofeta pepelo, ia lafoai le faatauemu i le amioatua, ma tetee atu i faosoosoga a le tiapolo, ma faatoilalo lo tatou lava paie. (Dieter F. Uchtdorf, “Aua le Matatau, Na o le Talitonu,” *Liahona*, Nov. 2015, 77–78)

. . . faapotopoto Isaraelu (tagai Mataupu Faavae ma Feagaiga 133:4, 7–9, 37–38).

Na faamanatu mai e Peresitene Russell M. Nelson ia i tatou:



Soo se taimi e te faia ai *soo se mea* e fesoasoani ai i *soo se tasi*—i soo se itu o le veli—ia laa agai i luma i le osia o feagaiga ma le Atua ma maua o latou sauniga e tatau ai o le papatisoga ma le malumalu, ua e fesoasoani lea e faapotopoto Isaraelu. E faigofie lava. (Russell M. Nelson, i le “Faamoemoe o Isaraelu” [faigalotu a le autalavou i le lalolagi atoa, 3 Iuni, 2018], broadcasts. ChurchofJesusChrist.org)

. . . salamo ma le faapaiaina e ala ia Iesu Keriso (tagai i le Mataupu Faavae ma Feagaiga 133:5, 16, 34–35, 62).

Na faamalamalama mai e Sister Carol F. McConkie, sa avea ma Fesoasoani Muamua i le Au Peresitene Aoao o Tamaitai Talavou:



O le faatuatua ia Iesu Keriso ma Lana Togiola, e mafai ai ona tatou mamā, aunoa ma se ila, pe a tatou faafiti i tatou lava mai mea e le faaleatua ma salamo faamaoni. E papatisoina i tatou i le vai mo le faamagaloga o agasala. E faapaiaina o tatou agaga pe a tatou maua le Agaga Paia ma loto matala. O vaiaso taitasi, tatou te aai ma feinu ai i le sauniga o le faamanatuga. I le agaga o le salamo, ma manaoga faamaoni mo le amiotonu, tatou te osifeagaiga ai ua tatou malilie e tauave i o tatou luga le suafa o Keriso, manatua pea o la, ma tausi Ana poloaiga ina ia tatou maua pea Lona Agaga e faatasi ma i tatou. (Carol F. McConkie, “O Le Malumalu e Matagofie,” *Liahona*, Me 2017, 10)